



PRAVILNIK O IZBORIMA I MANDATIMA **ISLAMSKE ZAJEDNICE BOŠNJAKA SJEVERNE AMERIKE**

UVODNE ODREDBE

Član 1.

Ovim pravilnikom se utvrđuju način izbora na funkcije u Islamskoj Zajednici Bošnjaka Sjeverne Amerike na svim nivoima i mandati članova organa Islamske zajednice Bošnjaka Sjeverne Amerike (u daljem tekstu - IZBSA).

DŽEMATSKI ODBOR

Član 2.

Aktivno i pasivno biračko pravo izbora u džematski odbor ima svaki pripadnik džemata koji ispunjava uvjete predviđene pravilnikom o radu džemata.

Izbornu komisiju formira džematski odbor od tri člana sa maksimalno jednim članom komisije iz džematskog odbora. Glasanje se vrši putem listića tajno. Kandidati koji budu imali najviše glasova ulaze u džematski odbor.

Član 3.

Mandat članova džematskog odbora je dvije godine sa mogućnošću ponovnog izbora.

SKUPŠTINA MEDŽLISA

Član 4.

Članove skupštine medžlisa biraju džematski odbori. Izbor se vrši natpolovičnom većinom.

Glavni imam medžlisa i imami su članovi skupštine medžlisa po položaju. Ostali članovi skupštine medžlisa (ako to kriteriji dozvoljavaju) biraju se na osnovu broja članova džemata po sljedećem kriteriju:



1. Džemati do 200 (dvije stotine) članova delegiraju jednog člana u skupštinu medžlisa
2. Džemati koji imaju između 200 (dvije stotine) i 300 (tri stotine) članova delegiraju dva člana u skupštinu medžlisa
3. Džemati preko 300 (tri stotine) članova delegiraju tri člana u skupštinu medžlisa.

Član 5.

Glavni imam medžlisa predsjedava skupštinom medžlisa po položaju. Mandat glavnog imama medžlisa traje sve dok obnaša navedenu dužnost.

Član 6.

Mandat imama u skupštini medžlisa traje sve dok obnašaju navedenu dužnost. Mandat članova skupštine medžlisa iz reda džematlija traje dvije godine, sa pravom ponovnog izbora na maksimalno tri mandata, ili 6 (šest) godina. Član skupštine medžlisa iz reda džematlija koji je obnašao tu dužnost šest godina može ponovo biti kandidovan nakon pauze u roku od minimalno jednog mandata, ili 2 (dvije) godine.

IZVRŠNI ODBOR ISLAMSKE ZAJEDNICE BOŠNJAKA SJEVERNE AMERIKE

Član 7.

Muftija, glavni imam IZBSA i glavni imami medžlisa su članovi izvršnog odbora po položaju. Skupština medžlisa kandiduje jednog člana izvršnog odbora iz reda džematlija ispred datog medžlisa. Skupština IZBSA bira i potvrđuje kandidaturu na skupštini.

Član 8.

Mandat glavnog imama IZBSA traje sve dok obnaša dužnost glavnog imama.

Mandat članova izvršnog odbora iz reda glavnih imama medžlisa traje sve dok obnašaju dužnost glavnog imama medžlisa u svojim medžlisima.

Mandat članova izvršnog odbora iz reda džematlija traje četiri godine, sa pravom ponovnog izbora na maksimalno tri mandata, ili 12 (dvanaest) godina.



Član izvršnog odbora iz reda džematlija koji je obnašao tu dužnost dvanaest godina može ponovo biti kandidiran nakon pauze u roku od minimalno jednog mandata, ili 4 (četiri) godine.

SKUPŠTINA ISLAMSKE ZAJEDNICE BOŠNJAKA SJEVERNE AMERIKE

Član 9.

Džematski odbor imenuje izbornu komisiju od maksimalno 5 (pet) članova za izbor u skupštinu IZBSA. Kandidati koji budu imali najviše glasova ulaze u skupštinu.

Izbor za članstvo u skupštini IZBSA se vrši na džematskim skupštinama. Svaki džemat izabire svoje članove skupštine po sljedećem kriteriju:

1. Džemati do 200 (dvije stotine) članova delegiraju jednog člana u skupštinu.
2. Džemati koji imaju između 200 (dvije stotine) i 300 (tri stotine) članova delegiraju dva člana u skupštinu
3. Džemati preko 300 (tri stotine) članova delegiraju tri člana u skupštinu.

Član 10.

Mandat članova skupštine traje dvije godine, sa mogućnošću ponovnog izbora sa maksimalnim uzastopnim reizborom na tri mandata, ili 6 (šest) godina. Član skupštine iz reda džematlija koji je obnašao tu dužnost šest godina može ponovo biti kandidovan, nakon pauze u roku od minimalno jednog mandata, ili 2 (dvije) godine. Ako je (jedan od) član(ova) skupštine ispred određenog džemata inače imam tog džemata, može biti član skupštine sve dok obnaša dužnost imama u tom džematu.

Član 11.

Izbor u sve organe IZBSA se obavlja pismenim glasanjem, tajno. Članovi izborne komisije trebaju da obavljaju svoju obavezu nepristrasno, u povjerenju, u svojim najboljim mogućnostima, ekspeditivno i praktično. Odluka, akt ili potvrda većine članova izborne komisije je pravosnažna u svim aspektima kao odluka, akt ili potvrda svih članova.

PRAVOSNAŽNOST, IZMJENE I DOPUNE


Član 12.



Ovaj pravilnik stupa na snagu danom donošenja. Amandmani na ovaj pravilnik mogu se donositi samo na Skupštini IZBSA.

U Denver, Colorado

1. april 2018. g. / 15. redžeb 1439. h. g.



Dr. Hazim ef. Fazlić
Predsjednik Skupštine
Islamske Zajednice Bošnjaka Sjeverne Amerike